



17. maj 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

”Meeraaq allanngoriartortoq – meeqqap ilaqutariinni meeqerivimmilu inissisimanagera pillugu” isumasioqatigiinnermi innersuussutigineqartut pillugit Naalakkersuisunut apeqqutit:

1. Meeraaq allanngoriartortoq – meeqqap ilaqutariinni meeqerivimmilu inissisimanagera pillugu” isumasioqatigiinnermi piffissami qaninnerusumi piffissamilu ngasinnerusumi iliuusissat pillugit innersuussutigineqartunut Naalakkersuisut qanoq isumaqarpat?

2. Naalakkersuisut naatsorsuutiginerlugu innersuussutigineqartut ilaasa 2013-mi pivusunnngortinneqarsinnaassasut taamaassappat taava sorliimmita? Taamaannngippat, innersuussutigineqartut pivusunnngortinnissaat qanoq pissanersoq Naalakkersuisut naatsorsuutigaat?

(Inatsisartunut ilaasortaq Jens B. Frederiksen, Demokraatit)

Tunngavilersuut:

Ilimmarfimmi Nuummi ulluni 10. – 12. maj 2013-mi inuit meeqqanik sullissinerup iluani ilinniarsimasut isumasioqatigiisinneqarput. Tassani meeqqanik sullissisut 80-nit amerlanerusut assigiinngitsunik innersuussuteqarput.

Demokraatini isumasioqatigiinnermi peqataasut takorluugaat pillugit nersualaarussuppagut sapiissuseqarnerannullu suliaassanik tikkuaanissaminnut, inunnik isumaginninnermi taamatullu meeqqanik inuusuttunillu sullissinerup iluani inuiaqatigiit suliaassaannik.

Demokraatini isumasioqatigiinnermi piffissaq qaninnerusooq piffissarlu ungasinnerusooq isigalugit innersuussutigineqartut isumaqatigaagut. Ajunngittussaq pillugu innersuussutigineqartut tulleriiarlugit saqqummiuppagut ukuusut:

Piffissaq qaninnerusooq isigalugu innersuussutit:

1. Amerlanerusunik aningaasaliisoqassasooq inunnik isumaginninnermi sullissineq pitsannngorsarniarlugu, sullissisut ataasiakkaat artukkorsorumanagit aamma suliat sukkanerusumik pitsaanerusumillu suliarineqartaleqqullugit minnerunngitsumik sulia meeqqanut tunngasortallit..
2. Najukkani ineriartortitsinnermi suliniutit, soorlu assersuutigalugu Paamiut Asasaratut ittut illoqarfinnut allanut amerlanerusunut siaruartinneqarnissaat.



3. Meeqqat sulinermi peqataatinnessaat, suliassaqarfiit akimorlugit suleqatigiinnissaq kiisalu inatsisit pillugit ilisimasat periutsillu nutaat ingerlaavartumik qulakkeerneqarnissaat.

Piffissaq ungasinnerusq isigalugu innersuussutit:

1. Meeqqanut inuusuttuaqqanullu tunngatillugu tunngaviusumik ataatsimut isiginnittumik periuseqartoqarnissaa kiisalu meeqqeriveqarnermi, atuarfeqarnermi sulianillu suliarinninnermi anguniagaqarluni piginnaanngorsaanikkut ineriartortitsinissaq ataatsimoortumillu isiginninnissaq.
2. Nunatsinni meeqqat pisinnaatitaaffii pillugit periusissamik, meeqqat pisinnaatitaaffiik piffissaq ungasinnerusq isigalugu qulakkeerisussamik ataatsimoortumik suliaqarnissaq.
3. Meeqqanik sullissinerup piareersarnera, aaqqissuunneqarnera timitalersorneralu inersimasup isaaniit isiginagu, meeqqalli isaaniit isigalugu aaqqissuunneqarnissaa. Soorlu assersuutigalugu nuna tamakkerlugu sulineq meeqqat inuusuttullu aqutsisoqarfiannit ataqatigiissarneqartariaqarpoq, aqutsisoqarfiullu ilisimasat periutsilu nutaat najukkami meeqqanut iluaqutaasussat ineriartortissavai. .

Demokratini qilanaaraarput Naalakkersuisut isumasioqatigiinnermi innersuussutaasunut isummernissaannut aamma qilanaaraarput takussallugu Naalakkersuisut innersuussutaasunik qanoq pingaarnersiuiarnersut.

Apeqqutit akeqquneqarput tigusinnermiit ullut sulliviit nalinnaasut qulit qaangiutsinnagit.